

20/11/2000

Perdana Menteri tiba untuk hadir LID 2000

LANGKAWI, Ahad - Perdana Menteri, Datuk Seri Dr Mahathir Mohamad, tiba di sini pagi ini bagi menghadiri Global 2000 - Dialog Antarabangsa Langkawi (LID 2000).

Ketibaannya di Lapangan Terbang Antarabangsa Langkawi di sini, disambut Ahli Parlimen Langkawi, Datuk Abu Bakar Taib dan Ketua Eksekutif Commonwealth Partnership for Technology Management Ltd (CTPM), Datuk Dr Miheala Smith serta beberapa kenamaan lain.

Turut mengiringi Dr Mahathir ialah isteri beliau, Datin Seri Dr Siti Hasmah Mohd Ali.

Perdana Menteri kemudian memandu kereta sport klasik model TD 2000 buatan tangan dari lapangan terbang ke Berjaya Langkawi Beach dan Spa Resort, tempat berlangsungnya LID.

TD 2000 yang menggunakan injin canggih dengan sistem suntikan bahan api elektronik, diedarkan oleh Edaran Otomobil Nasional Bhd (EON) untuk pasaran tempatan.

Pada sebelah pagi, Dr Mahathir menghadiri Sesi Langkawi Fellows CPTM sebelum menghadiri sesi khas 'Melaksanakan Kemajuan dan Berkongsi Pengalaman Praktikal' sebagai tuan rumah dan pengendali.

Malam ini, Dr Mahathir yang juga Penaung dan Penasihat bagi dialog, menyampaikan ucaptamanya di Pusat Pameran Antarabangsa Mahsuri (MIEC) di Padang Matsirat.

Dialog LID kali ini bertemakan 'Arah Aliran Global dan Ekonomi Baru Muncul'.

Lebih 300 peserta, termasuk ketua kerajaan, pegawai tertinggi kerajaan, ketua eksekutif dan tokoh utama akademik dan media daripada lebih 20 negara menyertai dialog selama empat hari yang bermula hari ini.

(END)